

FARAON SE VRATIO SVOJOJ KUĆI U VISOKO

Zašto nismo sagradili još hiljadu piramida u Bosni, zašto ih nismo, ako treba, i izmislili i iskopali svaki kamen koji je njihov dio i tako postali središtem Svijeta

Piše:

Sanja Ljubičić



Razmišljam danima zašto su Bosnu nedavno posjetili svemirci iz sazvežđa Azkenataur sa planete ZIMA? Mislila sam da je to zbog zanimljive političke situacije i zbog toga što nam politiku vode ljudi koji kao da su pali sa Marsa ili nekih dalekih, nepoznatih planeta te pojma nemaju šta se ovdje zbiva?! Neočekivana posjeta najpoznatijeg egipatskog faraona Ramzesa II otkrmi istinu. Došao faraon Ramo-Ramzes II, sa svom svojom svitom, ženama i preko stotine svoje djece, kući u Bosnu, u Visoko. Ima namjeru da se opet malo „podmladi“. Iako ima skoro devedeset godina, izgleda kao momčić od 18, da ga ne otkriva faraonska brada. Odlučio je da starost provede ovdje u Visokom u Bosni i da se preseli u piramidu Sunca, a žene i djecu da useli u piramide Mjeseca i Zemlje.

Ubiti, rekao je da želi biti vječno mlad i zdrav, ne želi umrijeti i biti balzamiran i sahranjen u Egiptu u dolini Nila. Želi da sa rajom derneči u Bosni. Kaže faraon Ramo-Ramzes da Bosna ima „dušu“ i nema je nigdje na svijetu takve. A priznao je da želi kod nas pronaći i novu kraljicu. Gdje piramida nije tijesna ni čeljad nisu bijesna. Ovdje u Bosni ima mnogo dinastija i dokazalo se da žive i

vladaju poput faraona, najmanje sto godina. Zbog toga se on osjeća kao u Starom Egiptu. Sin nasljeđuje oca, primjer je dinastija Menhotep-Hsekin-Bakir, a ima i onih koji „kidišu“ na prijestolje vladara svih svi-

Gdje piramida nije tijesna ni čeljad nisu bijesna. Ovdje u Bosni ima mnogo dinastija i dokazalo se da žive i vladaju poput faraona, najmanje sto godina...

jetova, iz dinastije Ahotep-San-Džak-Tiu-Fahri. Opasna je po faraonovo zdravlje i dinastija Mehkotep-Al-Puši-Zlatkir i mnoge druge.

U odboru za doček faraona Rame-



Ramzesa II je naš dr. Semir Osmanagić, entuzijasta koji od 2005. godine neumorno po svijetu promovira bosanske piramide. Njemu je faraon dao partijski-faraonski zadatak da otkrije njegov pravi dom, izvor vječne mladosti i zdravlja, piramide u Bosni u Visokom. Odlučio faraon Ramo-Ramzes II biti nesebičan i otkriti i tajnu visočkih tunela i odaja u piramidama, te pustiti raju da šetaju u njima. Dosadilo mu da ljudi misle da su piramide grobnice u kojima su sahranjeni njegovi preci.

Njegov glavni pisar, na posebnom papirusu, poslao na Discovery Science Tv kanal, priču i otkrio tajnu o visočkim piramidama. Faraon je napisao i potpisao da su piramide, zapravo, moćne energetske mašine. One koriste prirodne energetske izvore, podzemne vodene tokove, a oni koriste, kao generatore elektriciteta, provodljive materijale, kvarcne kristale, keramiku itd.

Piramide skupljaju energiju iz svemira koja je neophodna za nesmetani razvoj prirode i ljudskih potencijala na zemlji i koriste se za još neke namjene koje faraon ovaj put nije htio otkriti. Osim toga, kada čovjek biva izložen toj energiji, tim zračenjima koja se



nalaze unutar visočkih piramida, on se osjeća bolje i njegov energetski balans bude u ravnoteži te on postaje zdrav. Dobiva iscjeliteljsku energiju direktno iz svemira u svoje tijelo te mu na taj način i sve bolesti budu izliječene.

Kako su dr. Semira Osmanagića mnogi u svijetu nazivali šarlatanom i piscem naučne fantastike, u znak zahvalnosti za sav njegov trud, faraon je odlučio da lično on bude njegov specijalni izaslanik na Discovery Tv kanalu i ispriča „faraonovu tajnu“. Znao je faraon da će mu poslati kao oponente arheologe, geologe, egiptologe i fizičare. Samo je šapnuo Semiru da ih pita kako će objasniti na vrhu piramide Sunca frekvenciju od 26-32 kHz i u dnu piramide energetska zračenja?

Doveo je malo kod sebe faraon Ramo-Ramzes II i Henry Champmana, britanskog arheologa, i dao mu vaspitnu mjeru što je ga je traćao i što je pričao budalaštine o piramidama. Očitao

mu je lekciju pred 20 miliona tv gledatelja ovog kanala, te mu srušio ugled i autoritet u svijetu.

Od tada Henry tajno dolazi u piramidu Sunca i tamo boravi, čak i spava u podzemnim hodnicima. Kažu da je karcinom izliječio. Toliko je od tog pozitivnog ljekovitog zračenja ozdravio i

Kaže faraon Ramo-Ramzes da Bosna ima „dušu“ i nema je nigdje na svijetu takve. A priznao je da želi kod nas pronaći i novu kraljicu...

naučio misliti da mu se i um promijenio. Postao je glavni turistički vodič za piramide u Visokom i naučio bosanski jezik.

Nakon gledanja te emisije na Discovery Tv, shvatih i ja zašto su svemirci posjetili Bosnu. Pa i oni se napajaju tim enegetskim mašinama, a one su zapravo i jedini izvor njihovog opstanka. Srž njihovog bića čini energija, ali tu tajnu

faraon nije htio još otkriti svijetu.

Veoma se naljutio na čelnike u našoj državi koji godinama potpuno negiraju postojanje njegovih piramida. Odlučio je da povede rat sa državnim institucijama. Zamijeniće odgovorne u njima onima koji su se obrazovali u Starom Svijetu, kojima je poznat sadržaj Aleksandrijske biblioteke, koji znaju hijerogliffe, koji mogu prepoznati značaj i postojanje piramida u Bosni.

Aja pomislih zašto nismo sagradili još hiljadu piramida u Bosni, zašto ih nismo, ako treba, i izmislili i iskopali svaki kamen koji je njihov dio i tako postali središtem Svijeta!?

Odlučih naučiti hijerogliffe, malo otići u Aleksandriju i malo njuškati po biblioteci. Možda mi se posreći sa faraonom Ramom- Ramzesom II i postanem faraonka, te dok je još besplatno, napajati se Božanskom energijom?!

A naše nadležne treba zatvoriti u tunele visočkih piramida. Možda im energija prosvijetli mozak? ■